

# З ЛІТЕРАТУРНОЇ СПАДЩИНИ

---

---

*Дмитро Туптало*

●

## «РУНО ОРОШЕННОЕ»

*(Підготовка тексту, передмова та коментарі О.Тарасенка)\**

### РОСА БЛАГОДІЯНІЯ.

Благодіянія богатство всѣм источи,  
вся бо можеш, яко силнаго в крѣпости Христа рождаша (Параклис).

#### Чудо 17.

Павла Домантовича, обывателя Чернѣговского, на одрѣ болѣзни лежаша, ели жива, привезено в Монастир Илинскій, первой седмици Великаго поста, з пятници на субботу. Идеже егда о нем бысть прилѣжная от Иноков тамошних к Богу и Богородици молитва, скоро оздравѣ. Се благодіянія Богородичино, цѣлити недуги, молитвами яже к Сыну своему и Богу нашему о нас творит. /

#### БЕСѢДА.

Кто когда под небесем обращет Благодателя по Бозѣ лучшаго паче Владычици нашей? Благаго Царя благая Мати не престаеет благодѣя роду челоѣческому. И не всуе Церков источником ю приснотекущим проименова, яко же бо источник непрестанно, не точію тогда, егда приходят почерпати, но и никому же почерплющу источает воды. Тако и Дѣва чистая, неоскудно благодѣтелствует всѣм, добрым и злым, праведным и грѣшным, приобѣгающим к ней и отвращающимся от нея, яко Іакову жидовину, о нем же Небо новое<sup>2</sup>: Сего в разбойники впадша, уязвенна и связанна, Дѣва Богородица явившися, отрѣши и исцѣли, аще и не притѣкал к ней, поче же и отвращашеся от нея.

Помяну зде древняго Іакова, сей в пути спя, видит во снѣ лѣствицу от земля къ небиси, по ней же Ангели Божіи восхождаху и низхождаху [Быт. 28]. Почто Ангели они ни единое время имут покой, непрестанно восходят и низходят? Лѣствица она бѣше образ Богородичин, сиче // воспѣвается: Радуйся мосте к небесем преводяй, и лѣствице высокая, юже Іаков видѣ. И того ради не имут покоя на ней Ангели, яко Богородица вели тим непрестающе со собою благодѣтелствовати нам: да восходяще приносят к Богу молитвы наша, низходяще же да несут нам от Бога Божію милость и дарованія. Ісаія, пророчествуя о Дѣвѣ Богородици, облаком ю нарече: Се Господь сѣдит на облацѣх легцѣх [Ісаія 19]. И почто сиче ю именована; внімай винѣ: никогда же обрящещи время, внеже бы не узрѣл еси облака на воздухѣ, аще днѣю, аще нощію. Очи твоя те бѣ въ свѣдѣтельство представляю, яже ти покажут всегда

---

\* Продовження. Початок у №№ 1, 2 за 2009 р.

обрѣтающійся горѣ облак, и не все, ибо или дождевыя воды в себѣ носит, или о горячости луч солнечных остѣняет и прохладает, или еще будет свѣтел, точію воздух, украшает и увеселяет зрѣніе. Се тайна почто облаком Благодѣтелку нашу Пророк нарече, непрестает бо от благодѣянія ни малое время, всегда или дождь благодати Божія нам носит, исцѣляя страсти, и врачуя болѣзни душ и тѣлес наших, // или о горячности праведнаго гнѣва на ны подвиимаго остѣняет ны, и прохладает своим заступленіем, или украшая мысль нашу, духовнѣ увеселяет сердца. И кто твоя благодѣянія изчести может, о, Всемиловитая.

### ПРАВОУЧЕНІЕ.

Благодѣяніе всякое требует благодаренія. И нам пріемшим неизреченная от Божія Матере благодѣянія, достоит не неблагодарным быти. Благодарни бывайте, рече Апостол: Кто бо чего не благодарен, сего и недостоин [К Колос. Глав. 3]. Но что принесем, или что воздамы Дѣвѣ Богородици о всѣх, яже сотвори нам благая? Злато ли, или сребро, или каменіе честное? То она Госпожа наша сих Благих наших нетребует, все бо на земли честно, недостойно есть ея. Убо самѣх себе ей отдадѣм и доволна будет, нас бо, а не яже суть наша, требует, глаголя с Богом в писаніи къ коемуждо нас: Сыне, дажд ми твое сердце [Притч. 23]. Како же себе ей отдамы? Не инако, но очистившеся от всякія скверны плоти и духа. Ниже бо земніи Господіе сквернав // дар приемлют, то колми Госпожѣ Пренебеснѣй чист дар подобает, а нечист како будет приятен ей Пречистѣй сущей? Тѣм же да пріятны Владичици нашей будем, очистившеся от скверн наших, воздадѣм ей душу и тѣло, ум и сердце, во еже служити о нѣй в преподобіи и правдѣ, во вся дни живота нашего.

### ПРИЛОГ.

Нечист хваляше чисту, но та непріяла.

От устен бо нечистых некрасна похвала.

Нѣкто зѣло грѣшен и нечистѣ живой, не престаеше Владычицу нашу поздравляти Ангельским цѣлованіем: Радуйся обрадованная, Господь с тобою. Сему случися нѣкогда в глубоцѣй пустинѣ заблудити, идеже толико от глада изнеможе, яко отчаятися живота своего. Яви же ся ему Пресвятая Дѣва со множеством девиц прекрасных, не сущи сладкія снѣди на блюдах сквернавых, и рече ему: яжд. Он же отвержесе глаголя: Аще и добрыя суть снѣди, но презѣлныя ради скверны блюдов не могу яести. Тогда рече ему Дѣва, тако ни яз могу пріяти по//хвалы, яже ми возсылаеши, аще бо и добри суть, но от скверных устен и сердца нечиста исходятъ, сего ради не пріятны ми суть. Иди убо очистиися от нечистоты твоя, и тогда отверзеши уста твоя на похвалу мою, и насытишиися небесныя пища. Сія рекши невидима бысть. Он же обрѣтесе близъ дому своего, и оттолѣ исправил есть себе покаяніем.

### РОСА МИЛОСТИВНАГО ПРИЗРѢНІЯ.

Не бранѣте дѣтем приходити къ мнѣ (Лук. Гл. 18).

### Чудо 18.

Костантія обывателя Чернѣговского сын, именем Феодор, в лѣтах пяти, тяжкою феброю обят бысть не малое время [Року 1676]. Сего (егда различные врачеванія ничтоже успѣша, немощ же боліе умножившися уморити его хотяше) скорбными родителями поручиша добрѣй Врачеб//ници Пречистой Дѣвѣ, юже въ время Акафиста пред чудотворною ея Иконою, съ слезами моляху о исцѣленіи сына своего, еже и получиша, въ скорѣ бо чадо их первое пріять здравіе [В Пятдцятници].

### БЕСѢДА.

Блюдѣте, да не презрите единого от малых сих, рече Господь. Не презрѣ Мати Господня малаго сего Феодора, но подаде ему скорое здравіе, кого бо та, Милостивная присѣтителка, презирает? Никого же, но на всѣх

благосердым своим Оком призирает. Призирает она на старья. Жезл старости Мати Бога Выншыяго [*Параклис*]. Призирает на младья: Радуйся, добрая младопитателнице дѣвам. Призирает на Праведныя. Радуйся, всѣх Праведных Божественное удобреніе [*Акафист*]. Призирает на грѣшныя, грѣшных молитвы пріемлющи. На весь мір призирает: Радуйся, всего мира очищеніе. Не всуе солнечную взя на ся одежду, яко же бо солнце // сїяет на благія и злыя. Тако Пресвятая Дѣва, облеченная в солнце, не точію добрых, но и злых иматъ на пилом своем оку [*Апок. Гл. 12*]. Ищущу Ироду убити Рожденнаго въ Вифлеемѣ Царя, Мати съ отрочатем бѣжит ва Египет [*Матф. Гл. 2*], по что? Не можаше ли укритися от Ирода покрываяя и храняя вселенную? Можаше. Но да Дѣва Богородица призрит на злыя Египтяны, и призрѣніем своим исправит я, и добры сотворит, сокрушивши их идола, того ради емлется египетска пути. Нынѣ о Мати Царя Небеснаго:

Вѣм по что с Сыном си в Египет градеши,

Да вся Египетская идола сотреши.

Египтом ми есть сердце, а идола страсти,

Зде призрѣвши повели идолом низпасти.

Солнце на висотѣ сїяя, и глубочайшія низины свѣтом своим просвѣщает, отколь глаголет Давид: несть иже укрыется теплоты его. Дѣва Марія аще и превыше всѣх небес предстоит одесную Бога, обаче и внижайших удолах сущих зрит, и о тѣх промышляет, и нѣсть иже не тоя живет промышленіем и молитвами. Тако к ней Августин блаженный вѣщает: Ты едина еси, иже в небесех // попеченіе о нас имаши, и спасеніе нам строя от бѣд избавляеши [*Вѣнец, 10*]. О, Всеблагая, не презри и мене грѣшнаго, но призри на мя и помилуй мя.

### ПРАВОУЧЕНІЕ.

Аще хошем да Мати Божїя с Сыном своим и Богом, никогда не отвратит от нас свѣтлых и милосердных очес своих: будѣм всегда малыми дѣтми, не умом же, но злобою, си есть незлобиви будѣм, а незлобивїи прилѣпляются Господови. Незлобіе же раждается от смиренїя, смирит ли себе кто по истинѣ, сей до конца незлобив. Кака тако добродѣтель, яко смиреніе привлекаит на ся милостивныи Господнѣ очи, на кого призру, глаголет Господь, токмо на смиреннаго. И сама Владычица наша сею добродѣтелію, очеса вышныяго на ся обрати. Призрѣ, рече, на смиреніе рабы своя [*Пѣснь Богородице*]. Сею добродѣтелію и мы сотворѣмся малы, да угодни будем очесем Божїим. Вѣдати же требѣ яко три суть съвершеннаго смиренїя степени. Первыи: Покарятыя ста//рѣйшинѣ, не привозносити же ся над равных. Вторїи степень: Покарятыя равным, не превозносятся над меньших. Третїи степень покаряти и меньшим себѣ, и вмѣнятыя ничто же быти, яко единому от скот, недостойну со пребыванїя человѣческаго. А иже себе тако умалит, сей велїи пред очима Господа своего будет, и узрит славу его, тако глаголет Исаак пресвитер: Нивчтоже вмѣни себе самаго, и узриши в тебѣ самом славу Божїю, идеже бо раждается смиреніе, тамо слава Божїя всїяет [*Исаак отвержен. мира, глава 13*].

### ПРИЛОГ.

Паче инѣх добрых дѣл, спасет человѣка  
смиреніе, еже бѣс нелюбит от вѣка.

Отцу Макарію явися иногда бѣс, и рече ему: много бѣди от тебѣ терплю Макаріе, и не могу тя одолѣти. Се бо все еже ты твориши, творю и аз: постихся ты, не ям и аз накогдаже. Бодрствуеши ты, ниже яз когда сплю. Ты чист, ни аз свѣм смѣшенїя женска. Отверглся еси имѣнїи, аз // ничтоже имам в мірѣ, ниже ищу богатств. Едино есть в тебѣ, имже мя побѣждаеши. Вопросы же его Макаріи: и что есть сичево? Отвеща бѣс: смиреніе твое, его же яз имѣти не могу, то мя побѣждает, и того ради ничто же ти могу сотворити.

## РОСА МАТЕРСТВА СИРОТАМ.

Та Мати всѣм живущим (Бытія 3).

### Чудо 19.

От града Седнева <sup>6</sup>, суца близ Чернѣгова, Кирило Давыдович жилец тамошній, прислал к Пресвятѣй Богородици в Монастир Їлинскій сиротку родом з Полтавы, именован Татіянѹ. Сію мучаше дух нечистый, равнѣ оному о нем же пишется в Евангеліи: идеже аще имет его разбивает, и пѣны тѣшит, и скрежещет зубы своими, и оцепенѣвает. Сію Та//тіянѹ яко ведоша в Церков, абіе сотрясе ю дух, и падши на землѣ валяшеса пѣны тѣща, и много пружався изыйде из нея.

### БЕСѢДА.

Прійдѣте семо всѣ сироты, иже не имате отца, ни матерее, ни друзей, zde соберѣтеса. Се вам Мати Пречистая и Благословенная Дѣва, много лучша паче родившая вы. Рече иногда создатель: аще и Мати забудет чадо свое аз тя не забуду [*Исаія, гл. 49*], о коль велико благоутробіе Божіе! Но и Пречистая Дѣва такожде может рещи, уподобися бо въ благоутробіе благому Богу. Смотри како ону вышереченную сироту Татіянѹ Матерски помилова, лютаго мучителя от нея отгна, и здравіе ей подаде. И кто безнадежен есть благоутробіа ея, видя ю толико милостивую и чадолюбивую? Слышасте ли Неясить растерзающую утробу свою чад ради? [*Пелѣкан*] Се видѣте в голубицѣ Райстѣй в Пресвятой Богородици, пощадѣнна ли есть утроба // ея возлюбленная, глаголю Сын сладчайшій? Не растерзан ли есть лютѣ страстми? Расхишаху его вси мимо ходящій путем [*Псал. 28*]. Се нас ради быст Сын Девическ уморен, да мы от смерти избавимся. И кто здѣ ту Дѣвицу не наречет Матерію себѣ, видя единароднаго Сына ея растерзанна, да мы усыновленіе получим? Даст нам образ чады Божіими быти. Нѣсть ли кто чел орла зѣлнѣ прилѣжаща чадом своим? [*Іоан, гл. 3*] Орел покры гнѣздо свое и на птенца своя вождѣлѣ [*2 Закона, глава 38*]. Но Матери нашей Препоблагословеннѣй даны быша двѣ крилѣ Орла великаго, то уповаем, яко она покрывает ны Кровом крилу своею [*Апокалип. Глава 2*]. Извѣщаваемся о покровителствѣ ея от Андрея святого юродиваго, сей видѣ ю въ Влахернстѣй Церкви люди покрывающую, тако имать о чадѣх своих прилѣжное попеченіе. Не забуди убо имене аще и неключимаго, о Мати всепѣтая.

### ПРАВОУЧЕНІЕ.

Добра нам есть Мати Пресвятая Богородица, требѣ убо да и мы незлы сынове ея будем, // не невѣмы какова человекѣка Господь Матери своей Препоблагословеннѣй, под Крестом усыновляет на Голгофѣ: Видѣв Ісус Матер и Ученика стояща, его же любяше, глаголя Матери своей: Жено, се сын твой. Потом же глаголя Ученику: се Мати твоя [*Іоан, 19*]. Дѣвственника Дѣвѣ, Чистаго Пречистѣй, Любимаго Ученика любимой Родителници дает за сына. Трое zde хотяй Сын Богородичѣн быти да внемлет: чистоту, ученичество и стояніе под Крестом. Нибо инако достоин кто нарещися Сын ея, аще не потщится быти чист, аще не будет Христов Ученик, аще не станет под Крестом. Убо да будем любими, либо и недостойніи, сынове Матере нашея Премилосердныя, попецѣмся о грѣсех наших, по силѣ нашей очистити я, отложше всяку скверну цѣломудринѣ поживѣм. К сему Ученици Господни сотворѣмся, послушающе и храняще Заповѣди Господня: Не слышатели бо, но творци закона оправдятся [*К Рим. Гл. 2*]. Станѣм же и под Крестом, ибо не индѣ Богослов святой сподобися Маріи вѣусыновленъ быти. Под Крестом же стояти како? Всегда имѣти пред умными // очима своими Распятаго Господа: Несудих, рече, ино что видѣти во вас, точіи Господа нашего Ісуса Христа, и Сего распята [*Корин, гл. 2*]. Сораспинати же ся Господу своему состраданіем и умерщвленіем своих похотій, и (к ним же обыкохом)

грѣховныхъ страстей, симъ бо запечатлѣемъ сыновство наше, и възлюбитъ ны Благая всего міра Мати, аще умремъ грѣху и оживемъ Богови, аще духовнѣ мученичество понесемъ, аще изволеніемъ сотворимся мученики. Нѣстъ бо Сынъ Маріинъ, иже не мученикъ. Естественный ея Сынъ Ісусъ Христосъ умрѣтъ за ны. Приобщенный ея сынъ Іоанъ умрѣтъ за Христа. То и мы сынове ли ея есмы; самоволнѣ пострадаѣмъ и умрѣмъ за Сына Божія аще и безъ крове. Самовольное же Христа ради безъ крове мученичество, сие описуется:

Идолъ есть грѣхъ.

Идолское капище есть грѣхолюбное сердце.

Идолопоклонникъ есть грѣховнымъ страstemъ работая.

Идолопоклоніе есть страстолюбіе.

Мученический подвигъ есть съпротивленіе грѣху.

Мучительъ есть злыиъ обычай грѣховный, или налогъ къ грѣху.

Слуги мучителейъ суть помыслы скверныи къ грѣху влекущи. //

Многоразличное мученіе есть ми борба со помыслы скверныи.

Отверженіе Христа есть съизволеніе на грѣхъ.

Пожерте Идолу есть замышленного грѣха дѣломъ исполненіе.

Симъ любви ради Христови съпротивляяйся есть безъ крове мученикъ, и добрый подвижникъ. Сиецаго мученика, околь Пречистая Мати любитъ и въ Сына мѣсто его имать.

### ПРИЛОГ.

Мученика изволна аще и безъ крови,

Якъ Сына Дѣва пріять во вѣчнїи крови.

Въ Бобонїи, нѣкая Дѣвица въ затворѣ суши, служаше Богу. Единая ноши, узрѣвши свѣтъ скважнею входящъ въ келїю ея, ужасеся мня яко уже день, и скорбаше, яко ношныхъ по обычаю несоверши молитвъ. Отверзши же оконце, еже бяше къ Церковной оградѣ, зритъ Пресвятую Богородицу, яко солнце сіяюще, стоящу при гробѣ нѣкоего юноши вчера погребеннаго. На гробѣ же сидяще голубица бѣла паче снѣга, сію Пречистая простерши руцѣ пріятъ, и въ нѣдра своя вложи. Еже видя девица она, аще и страхомъ велїимъ // обята бысть, обаче дерзну вопрошити, глаголя: И кто еси ты Госпоже моя? Она же рече: Есмъ Мати Христова, прїйдохъ же зде пояти душу сего юноши, иже изволеніемъ бяше Мученикъ. Сїя рекши, отиде отъ очю ея. Видители, кто синовства Марїина достоинъ? Подражайте убо таковаго.

### РОСА НАДЕЖДЫ НЕНАДЕЖДНЫМ.

Надежде ненадежднымъ, Помощнице немощнымъ,

и Ходотаице всѣмъ грѣшнымъ: ты мя покрый

и заступи отъ всѣхъ бѣдъ и нуждъ душевныхъ

и тѣлесныхъ (въ Поклоненїи).

### Чудо 20.

Есть градъ въпредѣлѣ Чернѣговскомъ, рекомый Сосница \*. Зъ того града прїйде въ Монастирь Ілинскїи нѣкая жена, именемъ Агафія, и принесе на образъ Пресвятой Богородици монисто Кораліовое сседма Крестиками сребраными [Року 1676. Августа 26]. И таблички двѣ сребрныи, и то о себѣ подъ совѣстію исповѣда: азъ, // рече, двенадцать недѣлъ боляхъ, въ коей болѣзни сотворися вредъ великій и не исцѣльный на шїи моеи, отъ него же несказанную терпѣ болѣзнь. И уже отчаяхся живота моего, такожде и сущїи при мнѣ ненадѣяшася живу мя зрѣти. Тако чающей мнѣ часа смертнаго, се нѣщїи отъ сосѣдъ посѣщающихъ и прѣсидящихъ ми, иже бываху зде на поклоненїи, и о чудесехъ бывающихъ слышаху, рѣша мнѣ: обѣщайся помолитися Чудотворному образу Пресвятой Богородици, иже въ Чернѣговѣ у Іліи святаго, и вѣруй, яко здрава будеши. Сїя азъ слышавши, аще и не устнами, уже бо немощю языкомъ что провѣщати, обаче умомъ при//зивахъ усердно

Пресвятую Дѣву в помощ, творящи обѣт ити пѣшо поклонитися святому образу, о нем же слышу. И не умедли скорая Помощница, но скоро услыша и помилова, в то бо время пріях ослабу от болезни, и вскорѣ оздравѣх добрѣ, и се обѣщаніе мое исполняю.

### БЕСѢДА.

Кто тѣлом точію, яз же и душею болей, давно бых от чаял обоего здравія, аще не бы ты имѣл надежду, Богородице, яже всѣх уповающих на ты не посрамляеши. Мнози въ мнозѣх надежды своя полагают: немощніи въ врачех, здравіи в крѣпостех сылы своя, богатыи въ сокровищах своих, рабы въ Господіях своих, Господіи въ благополучіи своем. Но, о человекѣци, сѣмо со мною обратѣте вся своя надежды [Лук. Гл. 4]. Врачеве да цѣлятся сами, здравіи да зрят крѣпость свою // въ гробѣх, богатіи да плачутся о лютых скорбех грядущих на них, рабы да вѣдят Господій своих благодать на пестрѣм конѣ яздящую, Господіи да зрят яко скоровратным их благополучіе бѣжит колом [Иаков, глав. 5]. Вы же zde в непростыднѣй заступници положѣте надежду, и всего еже требуете нелишится. Недузїи требуете ли здравіа; надѣйтесь на Дѣву Богородицу, та из нездравія въ здравіе претворяет. Здравіи требуете ли крѣпости и силы; обряцете то въ Рождшой Господа крѣпкаго и силнаго, Господа силнаго во бранех. Богатеств ли вам требѣ; и гдѣ лучше обогатитесь, яко при той, яже носит на руку свою имущаго в шуици своей богатство и славу. Рабы и господіе надѣйтесь на Госпожу, рекшую о себѣ: Се Раба Господня, та вы научит работати Господови, Господствовать же над страстями [Лук. Гл. 1]. И всяк ненадеждный, паче же отчаявшійся спасенія своего грѣшнике, возложи надежду на сію, яже есть едино грѣшником прибѣжище, ненадеждным надежда, побеждаемым помощь, готовое заступленіе к ней прибѣгающим. На ту надѣю//щеся не погибнеши, кто бо надежду возложивый на ню погibe? О, Добрая надеждо моя, упованіе мое от сосцу матери моя [Псал. 21], к тебѣ привержен есм от ложесн, от чрева матери моя ты еси моя Покровителька, не остави мене и не отступи от мене.

### ПРАВОУЧЕНІЕ.

Внимаем любимици винѣ, ея же ради реченная Анна прійде от града своего, помолитися усердно Пресвятой Богородици: яко боляше и о здравѣ благодатію Богородичиною. Смотриѣте како всѣх промысленик вся на ползу строит, многаци наводит на ны различныя болѣзны да уцѣломудримся, да останемся грѣхов, да притецем к Богу покаянїем. А яко истинно то есть, послушаим отец святых. Святой Калист глаголет: благ сый и всѣм спастися хотяй Бог, множицею попускает людем в болезни впадати [В Недѣлю 6, по Святом Дусѣ], да очистятся от грѣхов грѣхами одержимые, тако бо гласом Божественнаго Пророка Іеремѣи глаголет: болѣзнями и ранами казнен будеши Іерусалиме. И Григорій На//зіанзен вѣщает: Востинну болѣзнями тѣлесными душа къ Богу приближается. И другій Григорій Папа Римский глаголет, яко Бог человекѣка уязвляя, здравіе подают, и егда избранных своих из внѣ казнит, хочет да внутр живы будут, умершвляет да оживит, бїет да исцѣлит. И Исидор: болѣзнь тѣлу, здравіе есть душѣ, болѣзнь силу вожделѣній плотских пресѣкает. Егда убо приключается нам болѣти тѣлом, от сего познаваем благостиню Божию, яко сим ведет ны ко покаянїю. И неотчаевающеся, но надѣющеся на милость его благоутробїа, исправляим свое житїе, имуще пособицу нашу Пресвятую Дѣву.

### ПРИЛОГ.

Иже зол бѣше прежде, нынѣ добрїй зѣло.

Грѣшник в чувство приходит, егда болит тѣло.

Святой Іоан Милостивый, повѣдаше о нѣком мѣтнику Петрѣ зѣло не милостивом, иже имѣй чим ударити и отгнати от себе про//сяща нища, верже приключшимся хлѣбом нанѣ и в лице удари его. Сему не по мнозѣм времени

попусти Бог впасти в недуг зѣлный, яко до смерти боляше. И бысть в удастѣ, видит себе восхищена на суд, идеже бѣсы вся грѣхи его от юности содѣянная на вазѣ положиша. Ангели же никоєя внем обрѣтоша добрадѣтели, во еже бы противу грѣхом възложить, токмо хлѣб, он им же порази нищаго в лице, и сей в милостиню вмѣняюще, положиша на вазѣ, и сташа бѣсы равнѣ [Шали]. Посем глаголаху Ангели к нему: Петре, иди приложи къ хлѣбу сему, да претягнет твоя страна. В себе же пришел Петр, и помалѣ оздравѣв, толико уцѣломудрися, яко вся и предаде себе въ работу Христа ради, и цѣну за ся взятую убогим раздаде. Сподоби же ся и даря от Бога сицеваго, яко нѣма и глуха исцѣли словом. Зрите промысл Божій, како наказав болѣзнію тѣлесною, в толикое цѣломудріе сего приведе. //

### РОСА БЛАГОУТРОБІЯ.

Росу твоего благоутробія подаждь ми Пренепорочная чистая,  
грѣховным зноєм тающему, печаль сама устужаючи ми,  
и радость Божественную подаючи  
(Дамаскин в главѣ 4; в Четвер на Павечернѣ, Пѣснь 3).

#### Чудо 21.

Близ Монастира святаго Пророка Іліи, немногіе подданіе тогожде Монастира пребывают, з тѣх една жена именем Марина, в тысячашесть сот семдесят шестом году, от Недѣлѣ Фоминой [Року 1676. Септем. 16], впаде в недуг таков, в яцѣм же бяше она, юже Евангеліе поминает: Бѣ сляка и немогущи восклонитися отнюд [Лук. Гл. 13]. Сея Марины мати Анна, со плачем великим припадаше к святому Пречистой Богородици образу, просящи милости от нея, да исцѣленіе // подасть сляченнѣй дщерѣ ея тяжцѣ болящей. Еже аще и нескоро, обаче добрѣ получи, над надежду бо тогожде лѣта, по Воздвиженіи честнаго Креста, дщи ея Марина, отпущена бысть от недуга своего, и абіе простресе и славяше Бога и Богородицу.

#### БЕСѢДА.

Не вѣсть та Неблагоутробна быти, ея же утроба Благаго нам роди Бога. Апостол благоутробіем подвизаемый, глаголаше къ Учеником своим: Не тѣсно в мѣщаетеся въ утробу мою. Ночіе от святых къ всѣх вмѣщенію, пространѣйшее благоутробіе обрѣстися может паче Маріина? [В Кон. Гл. 6] Вмѣщается zde цѣломудренный, и грѣшному здѣже не тѣсно. Ту имать кающійся свое мѣсто, и отчаянному з непокаянным, яки къ Ноеву Ковчегу, не точію чистым но нечистым животным, прибѣжище невозбранно. Въ ея благоутробіи, душею и тѣлом // болящій, яко в болници, паче же реку въ Врачебници почивают и цѣлятся всяко. Зде слѣпії прозирают, глусії слышат, хроміи ходят, прокаженіи очищаются, недузи отгонятся, мертвыи восстают, и кто ли бо чесого востребует, все получает въ благодѣнствѣ ея, яже чрез стог пшеници в пѣснях написуется: Чрево твое яко стог пшеници [Пѣсни Пѣсній, глав. 7]. Пшеница паче инѣх сѣмен честнѣйша и потребнѣйша: благодѣнь Маріина паче всѣх человек болша, и коемуждо от вѣрных зѣло потребна. Не изочтены сут зерна пшенични во стозѣ, тако ни богатство благодѣни ея сочисляется. Пшеница, питая человека, содержит временный живот его. И наша Преизбранная Мысленная Пшеница Пречистая Дѣва, насыщая ны Хлѣбом животным, толико наш живот хранит, яко о ней живем ею содержимы.  
Не затвори убо и мнѣ благоутробія твоего Пречистая. //

#### ПРАВОУЧЕНІЕ.

Хотящая испросити цѣлбу сляченнѣй дщерѣ своей мати, съ плачем великим припаде ко Богу и Богородици, и слезами отверзѣ благоутробія двер. Нибо удобно кому отверсти чіе благоутробіе без сих ключей, без слез глаголю. Сими же и Рай отверзеши. Пишет Богослов, яко в Рай врата суть создана от бисер, сирѣч з перел. И едина каяждо врата бѣша от единаго

бисера [Апок. Гл. 21]. Бисер или Перла у Піерія, слезу образує, ему же согласує и свида глаголет: яко егда въ соннѣм видѣніи зрит кто перлы, плач знаменуєт. Томужде согласовати зрится и Святыи Златоустый глаголай: Очи Давидовы, дождем слезным украшенни бяху яко же маргаритами [Св. Златоуст, Гомілія на Быт. 1]. Си єсть перлами. Дивляхся, аще перли суть слез образом и плача знаменієм; то почто врата перловая тамо, едеже ничтоже слезно зрится, ничто же плачевно слышится, но вся суть неизреченнїи радости исполнена? Разсмотрѣвъ же познах, яко того ради, да хотящїи в Райскую // радость внїйти, не иними в ню входити тщатся врата, точїю слезами. Зриши ли в Рай врата з перлы? Перла же слезу образуєт; то вѣжд, яко слезою внїйти тебѣ в Рай подоблет, и несть инаго в Рай входа, кромѣ слезной перлы. Но которїи Рай человѣкови лучшїи паче Божїа и Богородичина Благоутробїа, в нем же и самое Небо залежит; ибо вси благоутробїем Бога и Божїа Матере молитвами, паче неже по своему достоинству, Небо наслѣдствуют. Нѣсуть бо достойны страсти вѣка сего къ хотящей явитися славѣ [Рим. 8]. Обаче и къ сему Раю, къ Божїю глаголю благоутробїю, не ина врата точїю бисер слезный. Прїйди поклонися, припади, и въсплачи пред Господем, сотворшим тя, и абїе посредѣ благоутробїа его обрящєши. Извѣстися о сем от словес Іеронимовых, им же ту перлу слезную похваляя глаголет: О слезо смиренная, твоя єсть сила, твое єсть Царство, ты не трепещєши суда, заграждаєши бо молчанїем уста врагов клеветушим на тя, и нѣсть возбраняющаго тебѣ входа къ Богу. Аще же сама к нему внїйдеши, не тщо // възвращаєши от него, что болѣе? Побѣждаєши непобѣдимаго, связуєши Всемогущаго, прекланяєши къ Благоутробїю Сына Дѣвїа, отверзаєши Небо, прогоняєши діавола. Смотри како силна єсть слеза къ отверстїю Божїа благоутробїа, убо сею яко же перловою дверїю в Рай, входи в благоутробїе его.

#### ПРИЛОГ.

Земна Владыку благают ношены Дары, Блага же слезы сокрушены.

Нѣкто по мнозѣх грѣсех, пришед в чувство бысть Мних, и по вся дни неутѣшнѣ плакашєся о грѣсѣх своих, поминая день судный, и всем сокрушенїи сердца доволнїе поживє лѣта. Восхотѣ же Господь утѣшити плачущаго, и показати како любит и приемлет слезы кающагося человѣка, явися ему в видѣніи, облечен Іерейскими ризами, нося и показуя потир полн слез [Кілѣх]. Еде видѣвъ плачайся, паде ему на нлзѣ, неситною любовїю я лобызая, и въпроси Господа что башє // въ святом потирѣ носимое? Рече же ему явлейся: се суть слезы грѣшницы, плакавшей у ног моих, в дому Симона прокаженнаго, сія до нынѣ цѣлы сохраних, яко мнѣ зѣло приятны [Лук. Гл. 7]. Скончавшу же ся виденїю сему, быв в себѣ, обрѣте сердце свое неизреченныя радости и сладости исполнено, и дивяшєся неизреченному благоутробїю Господа своего, ему же въ теплотѣ Духа до конца послужи. Смотри како слезы человѣка, в Рай благоутробїа Божїа вселяют.

#### РОСА МИЛОСЕРДІЯ.

Бодрою си молитвою, и не ищєтнюю простїнею ущедрї нас,  
и подажд душам нашим милосердїе свое во вѣки источающїи  
(в Повечерници великой).

#### Чудо 22.

Пред враты Монастира Ілинскаго, лежашє человѣк нищ, именем Стефан, болєй зѣло, нозѣ имѣя великими струпы зраненны, яко не мощи ему ни мало ходити [Року 1676]. Сей цѣлое // лѣто лежа, и милостїню от входящих испрошая, прїйде къ конечнѣй болѣзни, яко желати ему умрѣти паче неже жити в толицей горести. Начат же прилѣжно малити Прєсвятую Богородицу умилосердитися над ним, обѣщаяся труждатися в той обитєли до кончины живота, аще бы ему подала исцѣленїе и силу. И бѣ видѣти Лазаря гноина



лежаща пред враты Монастирскими, желающа крупичи благодати от богатой в милости и благоподатливой Неба и земли Царици, чегого и нелишися. Его же бо ненадѣяшеся здравіа, пріят, и исцѣленіе получи, и обновленную в себѣ крѣпость услыша, ею же поработа в обители добрѣ, величая цѣлебницу свою милосердную. //

### БЕСѢДА.

Ни на Небѣ ни на Земли обрящещи болшое по Бозѣ милосердіе паче Богородичина. Милосердни суть на Небеси Ангели, предстателствуют бо о нас, и ополчаются окрест нас: обаче и от тѣх одинаго видѣ Давид не милости внѣ убивающа Божія люди [2 Царство, глав. 24]. Мнози и на Земли человекци обрѣтошася милосердни, но не тако яко же Дѣва Богородица, ея же милосердіе, Божію милосердію есть точно, обоя бо бездною наречутся. О Божіем Дамаскин: Въ бѣзднѣ грѣховной одержим, неизслѣдную милосердія твоего призываю бездну [Октоих, глас 2, Пѣснь 6]. О Богородичном же тойжде: Милосердія твоего бездну призывающу ми подажд, благосердаго Рождшая [Параклис. Пѣснь 4]. Сію бездну кто измѣрити может? О глубинно непостижимая милости к роду людскому! Мир сей яко шпиталь, исполнь калѣк, болѣе неже в пяты притворах при овчей купели солежащих, и кто я врачует? Ты, Премилостивая Царице. В овчей купели, единою в лѣто бывающаго воды възмущенія чаяху, и то одинаго // точію болнаго исцѣлеваше: в тебѣ же Богородице кипят всегда милосердія воды, не единого в лѣто, но безчисленных калѣк врачующія. Да изочтет кто от милосердія твоего бывающа исцѣленія, не точію зде в Монастиру Ілинском от чудотворныя твоея Иконы, но и по инѣх мѣстех, яко же въ святой Печерской Лаврѣ, в Новом дворѣ, в Купятичах °, и по различных странах, Монастирех, и Градѣх. По премногу же в Преславном Богоспасаемом Царствующем Градѣ Москвѣ, и во всей великой Россіи, идеже суть не изчетными Чудотвореній прославшіеся Иконы изображенія твоего, Казанская, Владимирская, Смоленская, Иверская и прочія безименныя, от них же да соберет кто исцѣленная калѣки, да сочислит утѣшенных от печалій, да совокупит приемших плястр на душевныя язвы. Но кто доволей сіе сотворити?

Скорѣе в веснѣ цвѣты, в лѣтѣх зочтем класы,

Веснѣ плоды, в зимѣ снѣзи, в главѣ власы.

Скорѣе каплѣ можем измѣрити в морѣ.

И скорѣе вси звѣзды исчитати горѣ,

Неже ли исчитаем Маріины чуда.

Являясь милосерд Веспесіан египтяном, глаголаше: // почерпѣте от мене египтяне яко от вашего Нила. Аки глаголя: яко рѣка Нил, от него же вси черпете, подает вам неоскудны воды. Тако моя благодсть неоскудна, от неяже черплѣте мое милосердіе. Но ложно рѣцѣ толицей со своим благосердіем себе уподобляше, могій в малыя горсти вомѣститися. Се восписовати прислушает Рѣцѣ Божіей Дѣвѣ Маріи, яже вод благодатей наполнися. Та не Египет точію, но вселенную всю, Восток и запад, Полудень и полунощ напаяет потоками неизчерпаемыми милосердія своего. Вопросы всякого вѣрнаго, не причастился ли ея милосердія? Всяко речет: нѣсть ми инаго высочайшаго на небеси и на земли, яко же та по Господѣ моем Іисус Христѣ [Молитва по Акафіст]. Не имам иноя помощи, не имам иноя надежды развѣ Богородици, мню яко той о ея Милосердіи молчати будет, иже помнит себе когда тща и неуслышанна от нея изшедша. Но кто не услышан, кто не помилован, кто не обдарен от нея изыйде? Точію той иже никогда не прибѣгал к ней, обаче она Блага является и не ищущим ея. Явися убо и мнѣ милосерда, о Преплагаю. /

### ПРАВОУЧЕНІЕ.

Милосердія Божія и Богородичина причащѣся, исцѣлѣвый пред враты

монастирскими реченный Стефан, въздавше сѣ работою прилѣжною в тойжде обители. Мы же грѣшніи, на всяк час Милосердіем Вышняго покриваемы, не хощем ему работати вѣрнѣ, но работаем мірови и его суетам, тѣлу и его похотем, и прелестем бѣсовским паче неже Богови. Горе нам яко избираем худое вмѣсто лучшаго, стражем нашим вмѣсто Бога служим, идеже бо кое възжелѣніе повлечет человекѣ, и ко яцѣй вещи сердце чіе привязуется, се ему есть и Господь и Бог. Тако святой Іероним бесѣдует: ему же Бог чрево есть, тому Бог нов есть, какови либо грѣхи имама, и колико, толико богов новых имама: разгнѣвахся, гнѣв ми богом есть, възрѣх на жену в еже възжелѣти ю, възжелѣніе ми Богом есть, и всяк еже вожелѣет, сѣ ему богом есть [Іерон. на псалом 80]. Убо единому Вышнему Богу послужѣм, неслушающе ниже работающе суетным господѣям, // нибо можем двѣма Господином работати, одинаго бо возлюбим, а другаго возненавидим, или одинаго удержимся, о друзѣм же вознерадим, не можем Богу работати и мамонѣ. Глаголет Григорій Святой: никто же может в тойжде и единой вещи Всесилному Богу работати, и врагом его угаждати, не хошет сей быти друг Богу, иже врагу его угаждает [Григорій. Гомил. на Іезек.]. И діоптра: не попусти Бог себѣ и да тону един и тойжде олтар подавати, и сего никогда же сподобишася филистимове, аще и всѣми силами труждахуся. Не хошет Бог тамо мѣсто имѣти грѣху, идеже лице его Блаженственное обрѣтается, не терпит вкупѣ себѣ и міру имѣти поклонники.

#### ПРИЛОГ.

Міру, тѣлу и бѣсу работают мнози.

Ни во что же та мѣнит, хотяй жити в Бозѣ.

Святой Іоасаф Царевич Индійскій, да не работает міру, Царство свое земное остави. Да не работает тѣлу, заключен сый со прекрасною дѣвицею, любве ея отвержеся. Да не работает // прелестем бѣсовским, идолы попра. Наконец же вся уметы вмѣни быти, да Христа приобращет, и сему поработа въ Преподобіи и правдѣ до блаженныя кончины своея во пустынѣ.

#### РОСА ОБУРЕВАЕМЫМ ПРИСТАНИЩА.

Пристанище нам буди влающимся,  
и отишіе въ пучинѣ скорбій (Акафист. Пѣснь, 6).

#### Чудо 23.

Людин нѣкто в Чернѣговѣ именем Фома, Богу попускающу грѣх ради, сицу наважденіем бѣсовским безумися, яко искаша сам себе погубити [Року 1676, Августа 14]. Еже узрѣвше приключійся людѣ, едва нуждею его от толь извлекоша, и колтуны ему от главы изорваша, влекуще его с кладязя. // Он же исторгся от руки их, паки бѣжаше къ водѣ топиться. За стражею же сый чрез нѣколико дній и ноцій, не можаше сна ни мало вкусити, бѣсовскими мечтаніи и привидѣніи устрашаемый. Сей егда приведен бысть въ Монастир Глинскій, къ Чудотворному Пресвятой Богородици образу, абіе исцѣлѣ, смысл, разум, здравіе и крѣпость пріять.

#### БЕСѢДА.

Аки в мори в сей немощи человекѣк обуруаемый потопляшеся, и уже бы ему погрязнути, яко олову в водѣ зѣлней, аще небы достиг пристанища небурнаго Пресвятой Дѣвы.

Нѣкто волненія и буры избыв, хвалитя: Прійдохом на мѣсто нѣкое нарицаемое доброе пристанище [Дѣян. 27]. И гдѣ лучшее пристанище паче Маріи? // Та аще точію кто к ней пристанет, от всякаго потопленія цѣла и невредима его сохранит.

Шествоваше иногда Израиль сквозѣ чермное море невлажными ногами, и что его сохрани от воднаго потопленія? [Исход, гл. 14] Хощеша чаю рещи яко

жезл Моисеов, раздѣливый начертаніем Креста воды; но не без Богородици, ибо тоя тамо прописовашеся образ. Слыши что сладкоглаголивая Ластовица Церковная Дамаскин святыи о сем воспѣвает: В чернѣм морѣ, браку Неискусимыя невѣсты, образ написеся древле [Домат. Глас 5]. И се храняше Израила от волн морских яже потопиша фараона. Хотяху чаю воды и жидовска рода не пощадѣти, яко тѣх иже имѣяху быти неблагоприятны, ропотници, отступници от Бога, и врази его, наконец же и убійци Сына Божия. Обаче видяще в них Маріино прознаменованіе, убояшася волны морскія: Море видѣ и побѣже [Псал. 113]. Зриши ли како въ ветсѣм еще завѣтѣ Марія, точію прообразованіем своим, тихое пристанище бѣше. Внемлѣм же и Іонину неврежденію: како в глубинѣ морстей // еще же въ утробѣ воднаго звѣра, посредѣ толика смрада и тѣсности, не умер три дни, и ни мало вредися, идеже бы человекви ни полчася мощно живу быти. Что тамо его храняше цѣла? Нечто ино, точію таяжде Препоблагословенная Дѣва Марія, ея же и тамо преображеніе бѣше, тако гласит Церков: в утробѣ Іоны младенца невреди морскій звѣр, якога же пріять, въ Дѣвицу убо вселися Слово и плоть пріем, пройде сохранив неистлѣнну [Канон на Рожд. Христово, пѣснь 6]. И се храняше Іону три дни жива и невредима, яко хотяше Слово от Дѣвы нетленно воплотитися, чесого Іона образ в китѣ бѣше. О, коль доброе пристанище Пречистая Дѣва, яко своих и от дна морскаго живы и цѣлы изводит. Кто без нея, сей в лыжици воды утонет. Придержай же ся ея, аще и посредѣ моря будет, стопы ножніи незмочит.

Храни убо и мене, о, Маріе, да не погрузит мене буря водная, ни да пожрет мене глубина. //

#### ПРАВОУЧЕНІЕ.

Погружаемся и мы въ водах многих, мѣр бо сей окаанный есть морем, сиче его мнози проименоваша. Амвросій святыи: Кое море сиче есть нагло якоже мѣр, толико невѣрен, толико мятежен, толико пропастен, толико нечистих духов вѣтрами волнящся. Святыи Златоустый глаголет [Св. Златоуст, Гомил. 33]: Различными грѣхами и многообразными искушеній, яко же нѣкѣими волнами бурится мѣр сей, о нем же чтем: Се море великое и пространное [Псал. 33]. Кассиодор: море во правду уподоблен есть мѣр, яко лжами горек, волнами бѣсовскими трасется, прегрѣшеній вѣтрами смущается [Кассиодор на псал. 44]. И Дамаскин святыи сѣтует: прійдох въ глубины морскія (си есть въ мѣрскія страсти) и потопила мя есть буря многих ми прегрѣшеній [Октоих, глас 4, пѣснь 6]. Воистинну другое мѣр море, яко же бо въ пучинѣ морстей, тако въ мѣрѣ многообразній пагубы, погруженія, нечаянія, бѣды, яко рещи Апостолу: весь мѣр въ злѣ лежит [1 послан. Іоан. 3, 5]. В нем же житіе есть смертію // горкою паче неже животом, еже описует блаженный Августин сиче: Еда мы живот сей, его же в мѣрѣ видим, нареши животом можем? [Августин, книга о Богомиш. Глав 20]. Его же вѣтри надымают, болезни истончивают, огневици изсушают, воздухи немощми исполняют, брашна отягчают, посты смирают, глумленія соблазняют, скорби истлевают, попеченія истнивают, бѣды оскорбляют, богатства отолстѣвают, нищета на землю повергает, младость возносит, старость прекланяеть, болѣзни и злыи случаи мучат, по толиком же многом злѣ смерть на конец настоит. В толико злом мѣра сего морѣ суще, посредѣ толиких бѣд, скорбій, и напастей, почто не ищем пристанища? Почто и еще суеты держимся? Почто несытнѣ сланую прирастїя пїем воду? Почто пагубу нашу любим? Не слышим ли святаго Назианзена проповѣдующа: Се мѣр, его же любим убѣгает, уже сам в себѣ усше, въ сердцах же наших еще процвѣтает: всюду смерть, всюду плач, всюду погибель, от всюду бїют ны, обаче мы // ослѣпленни похотію плоти, тыя самыя горести его любим, бѣгущаго гоним, нападающемъ вспѣраемся, немогуще же подперти падающаго, сами с ним падем [Св. Назианзен, Гомил. на Евангеліе].

Сих словес послушающе, и очима истину их въ мѣрѣ видяще, отвержѣм всякую печаль житейскую, а ко пристанищу Небесному, къ Богу и Божіей Матерѣ, скоро и усердно притечѣм, кождо нас вопиюще: ты мене окорми ко пристанищу твоему благим виновеная, вѣрным утверженіе едина всепѣтая [*Параклис, пѣснь 3*].

#### ПРИЛОГ.

Міролюбцем як в морѣ, от всюл бѣда многа;  
Добру пристань обрѣте, иже взыска Бога.

Въ Царство Юстиніана <sup>†</sup> бѣ нѣкая жена от Благородных, первая Патрикія въ полатѣ Царевой, именем Анастасія, вдова, всѣми и самым Царем почитаема, ради многоаго ея разума и цѣломудрнаго житія. Но добродѣтель всегда имать своя ненавистники, Царица бо Феодора, видящи ю Царем почитаему и хвалиму, // разгнѣвася на ню злѣ, и мысляше злѣ о ней от ненависти. Еже увѣдавши Блаженная та Анастасія, и рассмотрѣвши многомятежное суетствіе и праздную паче же и пагубную честь міролюбцев, остави вся, и утаившися наят корабль, нѣкую точію честь от имѣнія своего взявши, бѣгу ятся, и постиже Александрію, и вселися тамо, идѣже и Монастир созда, иже и до днесь Патрикіин глаголется. Умершей же Феодорѣ Царици, посла Цар на взысканіе ея, хотяши ю себѣ сотворити Царицу ради ея премудрости, и красоты, и цѣломудрїя, всѣми бо баше от Бога дарами обдаренна. Се увѣдавши блаженная, паки далшему ятся бѣгу, ничесоже взявши съ собою, яко едина от нищих. И прийде ноцію въ скит къ Преподобному Отцу нашему Данїилу, сему вся яже о себѣ подробну исповѣдавши, повержеся на нозѣ его плачущи, моляше и дати ей внѣ скита келію гдѣ въ пустынѣ, и утаити ю, да никтоже о ней увѣсть до кончины ея. Преподобный же Отец Данїил, дивляся теплотѣ Духа в ней, и раченію Блаженственному, облече ю въ Иноческїй образ одѣянїем // мужеским, и преименова Анастасіем, скопца ю нарек, дав ей пещеру осмнадесят поприщ от скита. В той пещерѣ Преподобная избывши много бурнаго мора мірскаго, преобтѣвши всю славу и честь Царскую, и богатства, яко къ пристанищу тихому къ единому Богу приставши, поживе лѣтъ двадесят осм, во трудѣх и подвизех, их же кто исчести может, точію един Всевидец. И никто же увѣда о ней яко жена бысть, но евнуха быти глаголаху. На всякую же Недѣлю отец Данїил глаголаше ко ученику своему: возми чадо мало хлѣба и воды, и неси къ отцу Анастасію скопцу въ пустыню, и ничтоже къ нему глаголи, точію толкнув с молитвою, и положив при дверех приносимое, абіе отходи молком (невѣдяше бо и ученик ничто же). Сему по вся лѣта ученику творящу, единою пришед, обрѣте при дверех дщыцу написанну сице: прїйди отче скоро, а возми еже на потребу. Се ученик взем, принесе отцу, иже прочет восплакася и глаголаше: горе внутрнѣй пустынѣ, какова столпа пострада днесь. Взем же Божественная тайны, и поем // ученика, тече скоро. И пришед отверз пещеру, обрѣте Преподобную огнем содержиму. И поверже себе отец на перси, и плакав много рече: Блажен еси отче Анастасіе, яко о часѣ сем попеклся еси, преобидѣл Царство земное, и славу человеку. И глагола ему Анастасій: Блажен еси ты новїй Аврааме и странноприемниче Христов. И глагола отец Данїил: сотвори молитву отче Анастасіе. И рече Анастасій: Аз паче требую от тебе молитв в час сей. И рече отец: Аще бых предварил аз час сый, то бых помолился о тебе. Тогда Анастасій воскловився мало от одра своего, прїем главу святаго отца лобызаше глаголя: Бог наставивый мя и приведый в мѣсто сіе, той да совершит старость твою, яко же Авраама. Взем же старец ученика своего, и поверже и пред ногама Анастасіа глаголя: Благослови отче чадо свое. Он же прїем, облабыза его глаголя: Бог чадо предстояй ми в час сый разлучити мя от тѣла моего, вѣдый колико стоп сотворил еси къ келїи сей, той да упокоит тя съ святыми своими, яко же упокоил есть Дух Ілїин на Елисею, и наречется

// имя отец твоих на тебѣ. Посем глаголя Анастасій къ отцу, да несовлечете мя от риз моих их же ношу, но яко же есм сице и погребѣте мя, да не увѣсть кто яже о мнѣ. Та же причастия Божественных тайн, и обливашея теплыми слезами: нынѣ отпущаеши мя глаголя. По сем молѣте о мнѣ рекши, возлеже на одрѣ, и возрѣ на восток, и одесную себе, рече: добрѣ прійдете, идем. И бысть лице ея яко огонь, и сотвори Крестное Знаменіе на устѣх глаголя: Боже сил в руцѣ твои предаю дух мой, и сице предасть душу свою в руцѣ Божіи. Рыдаваше же много отец и ученик над мощами, ископаша гроб пред келіею, и взем верхнюю з себе ризу отец, повелѣ ученику облещи тѣло честное верху риз в них же бяше. И егда одѣваше брат святыя мощи, видѣ сосца женстїи яко же два листа иссохшіи, и от сего позна яко жена бѣ естеством, и рече къ отцу: Авво, се отец Анастасіе жена бѣ. Видѣвъ же Препадобный яко не утаися се от ученика, вся подробно ему о препадобнѣй Анастасіи исповѣда, како избѣгшую мятежнаго міра облече одѣянїем мужеским, Анастасіем // преименовав и скопца его нарекова, да утаится ищущих, многи бо Магистрїяны послаше Цар на взысканіе ея, не точію же Цар, но и Патрїарх Александрїйскїй. И тако цѣловавше честныя мощи, погребоша я, хваляще Бога дивнаго въ святых своих. Зри како тя препадобная мірскаго моря избѣгши, къ доброму притече пристанищу.

### РОСА ВОСКРЕСЕНІЯ.

Радуйся Воскресенія образ облистаяющая (Ікос 7).

#### Чудо 24.

В селѣ Яриловичах<sup>д</sup>, человек именем Ярмола, иматъ сына Тимофея. Сей Тимофей мал сый отрок, в полчварта года, в понеделок свѣтлыя седмици Воскресенія Хритова, напрасно умре, не имый ни коея вины смерти, здрав бо бяше, ни мало чим постена, но и со прочїими дѣтми сверстными // вчера играша [*Року 1679. Априля 21*]. И тако мертв от утра до полудне лежаше. Плачущим же родителем о нем не утѣшнѣ, случися тамо быти в то время отцу Варфоломею Иеромонаху обители Глинской, иже и совѣтова да о мертвом своем сынѣ съ вѣрою молят Пресвятую Богородицу, яже бы воскресила его, и да сотворят обѣт воздати поклоненіе Чудотворной ея Иконѣ в Монастиру Глинском. Родителіе же совѣт благ приемше, возрыдаша къ Богородици съ добрыми обѣты, вручающе ей сына своего, и о возвращеніи вонь духа его моляще. Слава дивной и скорой помощи Богородичной: внезапно воскресе отрок, и проглагола, и воста здрав // всѣм приключшимся zde зрящим, и ужасающимся о преславном сем чудеси. И скоро отец отрока поведе в Монастир Глинскїй поклонитися великой Благодѣтелцѣ своей, пред Иконой ея Чудотворною.

#### БЕСѢДА.

Всякія болѣзни цѣлятся различнѣ, но смерть никако же.

Нѣсть врача ни врачеванія, еже бы могло умерша воздвигнути:

Врачеванія против смертной зрадѣ,

Не обращеши и въ вертоградѣ.

Обаче послушайте мене, аз вам покажу Врачебницу, могущую и мертвыя цѣлити и воскрешати. Пресвятая Дѣва жизни Мати, юже гроб и смерть не удержаста, та от гроба и смерти вѣсть возставляти умерших. Похити иногда, напрасно смерть отрока сына сумантянины, сїя воставши иде къ человеку Божію въ гору Кармил, тогда бо Пророк Іелісей въ Кармилѣ бяше [*4 Царств. Глав. 4*]. Смо//три судьбы дивныя, почто Пророк воскреситель быти имѣяй умершаго отрока, медляше въ горѣ Кармилстѣй? Сїя чаю тайна: да Мати Воскресенія ради Сына своего къ Пророку градушая, притечет къ горѣ Кармил, яже прознаменоваше Дѣву Богородицу, о ней же глаголет Дух Святый: Глава твоя на тебѣ, яко Кармил гора [*Пѣснь пѣсн. Глав. 7*]. Кто бо к

ней притечет, сей приймет от воскресенія мертвыя своя. Къ сему же, да и Пророк грядый воскресити умершаго, воспріймет на се чудесную силу от Богородичина прознаменованія в Кармилѣ. Воскрешая Господь сына вдовичина въ градѣ Наин, коснуся одра, и прикосновеніем его смерть прогнана [Лук. Гл. 7]. Такожде и различныя болѣзни прикосновеніем его цѣляхуся, яко сила от него исхождаше и исцѣляше вся [Лук. Гл. 7]. Зде удивляюся животворной силѣ въ Пречистой плоти Христовой, яже аще где прикоснется, тамо неточію болныя цѣлит, но и мертвыя въскрешает. Обаче вопрошаю: откуда сія животворящая Плоть Христова? Не от Дѣвическія ли Утробы произыйде? Ей от нея Плоть Христу исткася, то уже зрѣте ясно въ Дѣвѣ Маріи животворную силу, и мертвыя // оживляющую, от ея бо взятою плотію Христос, кого прикасашеся, въскрешаше и цѣляше. Не всуе воздвигши нѣкая жена глас от народа рече Христу: Блаженно чрево носившее Тя, и сосца яже еси ссал [Лук. Гл. 11]. Воскресни убо и мене умершаго грѣхами, о Мати жизни.

### ПРАВОУЧЕНІЕ.

Аз грѣшный жив сый тѣлом, мертв же душею, точних мнѣ со собою грѣшников зову: градѣмъ къ мысленному Кармилу, къ Горѣ Божой тучной и усыренной, в ней же благоволи Бог жити. Къ Пречистой и Преблагословенной Дѣвѣ Маріи, да воскресеніе спасенное улучим, да ветхаго человека в страстном обычаю грѣховном лежащаго отложше, в новаго, покаяніем встающаго облечемся. Сія жизни Подателница, аще точію узрит ны к ней притекших, абіе оживит, възводя на путь покаянія, самыя бо очеса ея воскресенія образ блистают, призрит на ны и помилует ны. Обрѣтается птица, странным обычаем, // не яко же вси птицы, птенца от плода своего изводящая: очима, прилѣжным на ня смотрѣніем, нѣкая бо есть в очесах тоя птицы естественная сила, яже плод зачинает, оживляет, и изводит [Струсь]. Что разумѣши о очесах Пренебесной мысленной птицы Дѣвы Маріи? Не имут ли силы животворной? Ей имуть, на кого бо отгрѣшныя призрят, сего сотворят зачатися исправленіем, ожити покаяніем, и изыйти на путь добродѣтелей. Не всуе в пѣсняхъ нѣкто к ней вѣщает: обрати очи твои прямо мнѣ [Пѣснь пѣс.]. Яко тыи воскрилиста мя, аки бы рекл: очи твои призрѣвше на мя, сотвориста мя птенца, да доста бо ми крылѣ къ лѣтанію Богомыслному. Ибо на него же призрит Марія, аще и ползаше по земле земная мудрствуя, сей исправля въперитя и возлетит высоко Богомышленіем. Многих учителей чтяхъ разумѣніе, яко егда Господь наш и Мати его тѣлеснѣ съребываху человеком на землѣ, обое не мало грѣшныхъ обратиша къ покаянію самымъ точію на ня возрѣніем. Яко и на Петра возрѣвъ Господь, и абіе помянув Петра глагол Господень, изшед // вон плакася горко [Лук. 13]. Господу нашему, есть то единый покой въскрешати души умершіи грѣхами, сирѣчь: обращати грѣшников от заблужденія их на стезю спасенную. Еже знаемо есть от святаго Амвросія, иже разсуждая сія словеса в бытіяхъ: Почи Бог въ день седмый [Быт. Гл. 2], глаголет тако: Сотвори Бог Небо, но не что, яко почи по сотвореніи Небесе, сотвори Землю, быту почи, сотвори солнце, луну и звѣзды, ниже тамо что, яко почи Бог. Но егда сотвори человека, тогда почи, имый кому грѣхи отпускати. Внимай сам словесемъ святаго: Тогда почи имый кому грѣхи отпускати. Зриши ли покой Господень? Зриши ли благоутробіе его? Зриши ли неизреченную и всего міра грѣхами непреодолѣнную благодать и незлобіе его? Покой имать, пространство и веселіе, прощати прегрѣшенія наша. Но и Матери Божіей тожде есть покой, зрѣти прощеніе прегрѣшеніемъ нашимъ, молитствовати о нас, въскрешати ны от грѣховъ смертныхъ чрезъ подаяніе намъ своя благодати къ житія исправленію. Извѣстны будѣмъ о семъ ея покои отъ словесъ, яже мудрость Божія в лиціи ея // глаголет (по Іеронімову преводу) во всѣхъ покоя искахъ. Аки глаголя: Всѣмъ хотѣла быхъ спасеннымъ быти, ни

единому же мертву душею, но всѣм жити добродѣтельно, о всѣх покаяніи радоватися ишу, во всѣх сердцах препочити хощу [*Сирах. 24*]. О Благости, милосердія и челоуѣколюбія Богородичина! И мы убо не отступѣм от нея, но при ней почиваим усердіем всегда, да и душа наша умершая грѣхами, воскреснет, и ея Дух в нас препокоится, егда мы уклоншеся от зла начнем творити благо.

### ПРИЛОГ.

Кающагося Бог готов прощати,

Но на се его умаляет Мати.

Человѣк нѣкій беззаконен, имѣяше правило повседневное к Присвятѣй Богородици молитися, повтараючи частѣ слова Ангелскаго цѣлованія: Радуйся обрадованная [*В діалог. Карпузи*]. Единою убо хотящу ему ити къ скверному беззаконію, обратися къ образу Пресвятой Богородици, да первѣе совершит обычное к ней маленіе, и посем идет на замышленное злое дѣло. Молящу же ся ему по обычаю, нападе // страх нань, и быть во ужасѣ, видит образ движущся, и се жива Богородица со Сыном своим на руку держимым, зряшеся [*В захвицейю*]. Отверзоша же ся язвы Младенцу в Руках и Ногах и в Боку, и течаше Кровь от язв потоками яко же На Крестѣ. Се видя, паде от страха и возопи: О Госпоже, кто се сотвори? Отвѣща Богородица: Ты и прочіи грѣшници, иже паки распинаете Сына моего грѣхами, яко же Юдее. Тогда грѣшник возридав рече: Помилуй мя, о Мати милосердія. Отвѣща же ему: Матер милосердія мя нарицаете, скорбы же мя исполняете и горести дѣлы своими. И рече грѣшник: Ни Владичеце, да не преодолѣет злоба моя неизреченныя благи и милосердія твоего, Ты бо еси всѣм грѣшником едина надежда и прибѣжище, приклонися убо на милость блага Мати, и умилости о мнѣ Сына твоего и Творца моего. Тогда Препоблагословенная Мати начать молити Сына глаголющи: Благоутробне Сыну мой, любве ради моя помилуй сего грѣшника. Отвѣща же Сын: не прогнѣвайся Мати моя, яко непослушаю тя, ибо и аз молих Отца, да мимо идет от меня чаша страстей, и не послуша мя. Рече Мати: помяни, // Сыне, сосца ими же въздохи тя, и прости сего. Отвѣща Сын: и вторицею молих Отца о Чашѣ, и непослуша мя. Паки Мати рече: Помяни болѣзни моя, яже с тобою претерпѣх, егда ты на Крестѣ тѣлом, яз же под Крестом утробою уязвляхся, проходящу оружію душу мою. Отвѣща Сын: и третицею молихся Отцу, да мимо несет Чашу, но не благоволи послушати. Тогда Мати восставши, посади Сына, и хотяше ему къ ногам припасти. Возопи же Сын: Что хочещи творити, о Мати? Пребуду, рече, лежачи у ногу твоею съ сим грѣшником, дондеже простиши ему грѣхи. Тогда Сын: закон повелѣвает да Сын чтит Матер, правда же хочет да законодавец сам будет закона исполнитель. Аз Сын твой, ты же Мати моя, яз ты должен чтити, послушая твоего моленія. Буди убо яко же хочещи, нынѣ прощаются ему грѣси тебе ради. Вознаменіе же прощенія, да лобжет моя язвы. Встав же грѣшник, трепеща и радуяся коснуся устнами Пречистых язв его, и бысть в себѣ. Скончившуся виденію, обрѣте сердце свое страха и радости // исполнено, и начат прилѣжнѣе плакати и рыдати, припадаючи къ образу Владычици, благодаряше и моляше, да яко же видѣ в ужасном видѣніи благодать Господню грѣхи прощающую, сиче и всегда помилованну ему быти. И оттолѣ исправль свое житіе, поживе Богоугоднѣ. Смотри, каково прилежаніе есть Ходотаици нашей о прощеніи согрѣшеній наших. Слава милосердію ея, слава неизреченному благоутробію ея, слава богатству щедрот ея, нынѣ и присно и въ вѣки вѣком. Аминь.

### МОЛИТВА.

Слава тебѣ Мати Божія, верных прибѣжище, избавленіе в лютых содержимым, душѣ моей Божественное утѣшеніе. Всеокаянную душу мою, Богоблагодатная, уязвленную стрѣлянїи ратника, поручаю всесилному

предстателству твоему, юже соблюдай и покрывай, и спасай от бѣсовских козней невредиму, да зову ти: Радуйся Невѣсто неневѣстная. //

### КОНЕЦ

Книжки, но не чудов Пресвятой Богородици, кто бо я исчести может? Суть ина многа, zde же точію двадесят и чѣтыри, в число часов дне съ ношю, положишася, не безвины: Случи бо ми ся чести в книзѣ Петра Даміана вещь сичеву: Клирик нѣкїй Нивірійская Церкви, боляше болѣзнію зѣлною до смерти [Преп. Дам. Книг. 6, посланіе 29. То де обрѣтается у Аліоїзія и нумбра Вѣргілія, книг. 4. екскур 27, нумеро 736]. Бяше же ему обычай, на всяк час, егда знасеноваше Зегар, поздравляти Пресвятую Богородицу Ангельским цѣлованіем: Радуйся обрадованная. Прилагаючи к сему нѣкую к ней молитву. И творяше се дню и ношю, аще бо и усну когда, то знаменующу Зегару часы, возбуждашеся и совершаше обычное моленіе. И толико Владычицу нашу почиташе сим своим правилцем, елико часов во дни и в нощи миноваху. Тому лежащу на одрѣ болѣзни и хотящу умрѣти, се является Пресвятая Владычица наша Богородица, и мало откривши девическую свою сосцу, стисну, воздои, и кропяет млеком устнѣ болящаго, и невидима бывает. Сему же бывшу, воскочи болный здрав, // облечеся скоро въклиричeskія своя одежды, и потече къ Церкви. Внїйде в хор, ста в чину своем посредѣ поющих клириков, всѣм удивляющимся и ужасающимся о внезапном его премѣненїи, и нечаянном здравїи, никто же бо его чаяше жива быти. Вопрошают вси вины таковаго скорога здравїя; он пред всѣми исповѣдует, прославляя цѣлебницу свою Премилостивую, како Дѣвическим своим млеком от сосцу, кропи уста его, коего млека еще на устну слѣди показовахуся. Оле чудеси преславнаго! Можаше та Премудрая цѣлебница и инѣм коим образом исцѣлити своего раба, словом или прикосновеніем, обаче сей странен образ врачеванїя ему показа: тыя устнѣ Дѣвическим кропяюще млеком, яже по вся часы Дѣвицу Пресвятую хваляху, zde еще на земли мзду воздаи им. Еже вся видяще и слышаще, восхвалиша и возблагодариша единѣмъ усты и сердцем препрославленную Дѣву Богородицу. Се яз прочет, дивихся благи толикой Богородичной, и подвигу усердному онаго клирика. Лѣнив же сый и уныл, не возмогах наслѣдовати его // добродѣтели. Обаче стяжавшу ми усердіе, помощію Божією и Богородичиною, списати чудеса от образа чудотворнаго иже в Монастиру Илинском бывающіе: умыслих, мало подражая Блаженнаго Клирика онаго, двадесят чѣтыри Чудес, на похвалу и славу Дѣвѣ Богородици, в сей Книжицѣ списати, с Бесѣдами и Нравоученїи, в число двадесяти и чѣтырех часов, ихже день с ношю в себѣ заключает. Да не точію молитвою, но и чтеніем, по вся часы прославляется Преплагословенное Имя Дѣвы Марїи от нынѣ и довѣка.

Нетокмо же чиением, но и взираніем на ея Пречистый образ також де и поклоненіем да будет прочитаемая и хвалимая Преплагословенная Дѣва Богородица, сего ради положена есть здѣ икона Пречистаго покрова ея з честным омофором, на нем же изображены суть часы, наукою матемацікою розмѣренни з вѣршами надпысанными. Сей образ написан есть прекрасно на стѣнѣ Церковной Святого Пророка Илии от внѣ зрящей на полуден, величеством вдолготу лактей пяти, яко нетокмо близ прихо // дящий, но и оподаль лугом (тамо бо путь великий в Чернѣгов обрѣтается) мимоходящїи поклоняются Пречистому ея образу. Сия икона прекрасно списанная слонцу восиявшу указывает часы неложно во дни токмо; Сїю преплагословенную Дѣву Богородицу, в Чудотворнѣм своем и преудивителном образѣ в сем Монастиру святой и живоначальной Троици Илинском чернѣговском чудотворенми преславно со вѣрою несумѣнною приходящим прославляючомся, почитай и ты читателю возлюбленный и покланяйся ей и надписанныи часто читай вѣрши, изучив я на память; яко нетокмо в житїи



своим, но и при смерти обрящещи покров, и помощь от все помоществующей Защитниці нашей Богородици, ей же да будет имя благословенно и покланяемо на всяком мѣстѣ владичества Господня. Аминь. //

По написаніи двадцяти и четырех Чудес Пречистой Дѣвы Богородици, собранных в число двадцати и четырех часов дневнонощных, паки новѣйшая нѣкая знаменитшая чудеса, от того же де Богородичіна образа сотворшаяся, да не пойдут молчаніем в забвеніе, здѣ же в честь Небесной Царицы полагаются:

Чудо Пресвятой Богородици 1,  
**еже бысть року 1683, месяца мая 17 дня.**

На вознесеніе Господне Феодор Ивонович Головленков, их царского Пресвѣтлого Величества стольник, и на тот час воевода Чернѣговский, одержим быше неисцелимою и уже отчаеваемою немощію, завомою жолтою, привезен есть ко Чудотворной Иконѣ пре Святой Богородици в Монастыр Илинский, ко ней же со всеусерднем, обѣщася и всецѣле себе отдаде, мало жив сый проси Игумена и братіи о себѣ помолитися и обычный Акафист къ пресвятой Владычици отпѣти. Егда же скончвахуся икоси и пояху о всепѣтая Мати, тогда почув в себѣ сылу мужашеся помалу. По скончаніи же Акафиста здрав бысть и пребысть в Монастыру до Святой Литургии. // (Привезен бо бѣ велми рано во время пѣнія утренего). Проходяше же по горам хвала и благодаря преблагословенную Дѣву Богородицу, Премилосердную Матер немоществующих. Привезено же ему здѣ в Монастыр и обѣд по повеленію его и сорадостію обѣдав здрав в дом возвратися.

**Чудо 2<sup>е</sup>**

Пресвятой Богородици,  
**еже бысть в року 1687.**

Их Царского Пресвѣтлого Величества войск Запорозких обозный Василий Борковский<sup>е</sup>, приехавши по Воскресеніи Христовом з Батурина в Чернѣгов, так захорѣл и опухл, же не мог сам о себѣ на одрѣ повернутися, и з одра немогл востати. А гды долго так хоровал, прислан был к нему з Батурина от их Царского пресветлого Величества Гетмана доктор з розними лѣкарствы. Так же из Литвы доктора зискано, и не могли доктори тыи отнюдь жадной помощи дати хорому. Тым часом случилось Илѣнского монастыра Іноку, Іеродіакону Теофилу, прийти по нѣякомь дѣлѣ в двор его милости Пана обозного. А видячи его тяжко болящего, речет ему: Офѣруйся Вшсмоч мосци // Пан Пресвятой Богородици нашей Илинской, и будеш Вшмоч здоров. А он оскорбившися з гнѣвом ему рече: Що ты мене учиш офѣроватися, дитя мое будучи, я, мовит, сам своими очима видѣв слезы Пресвятой Богородици, и сам от ужаса и умиленія плакалем. Гды видѣлем плачущую Пресвятую Богородицу, же як перлы чистіи от пречистых очес еи слезы, една по другой точилися, на що и всѣ Чернѣговци через девять дній приходячи смотрѣли, и на такое чудо смотрячи ужасалися и плакали. До того и чудес уже сам много знаменитих видѣлем и всегда ей офѣруюся, и вѣру и надежду на еи имѣю, а ты мене почав учити. А діакон мовит: Панови Вмс, свою вѣру и офѣруйся сердечне, и будеш здоров. То мовячи, отишов от него. А Пан обозный по отходѣ діяконовом, воздохнув от сердца ко Пресвѣтѣй Богородици, и зараз повернувся на одрѣ на другой бок. Потом другой зараз, и третий раз повернувся, и здалося ему легко. Потом дѣвчину малую предстоящую призвавши, речет: подай мнѣ черевики и подними мене. А дѣвчина подавши черевики принялася за него, и встав сам // о себѣ и почав ходити по свѣтлицы, а дѣвчина злякавшися побѣгла до Панеи, и сказала же щось Пану сталосся, схопившися з ложка, ходит по свѣтлицы. А Панѣ собѣ злякавшися, прибѣгла до Пана мовячи: що тобѣ Пане дѣтсся, ляж не турбуйся. И плачучи удержует его. А он мовит: дайте минѣ покой, видыте, що естем здоров Благодатію

Пресвятой Богородици нашой Глинской, которой яко на иных многих видѣлем ласку, так тепер и на собѣ дознаю. И послав в Монастыр, жебы молебен отправлено пред чудотворною Иконою Пресвятой Богородици, и зостал здоровым, хвалячи Бога и Матер Божію.

#### Чудо 3

Пресвятой Богородици,  
еже бысть в Року 1693, месяца мая 17 дня.

Дѣвица Анна, дочь честных родителей от града Чернѣгова, през зависть ненавистных людій, насланіем Духа злаго, лютѣ мучима бяше овогда бо злѣ пружашеся, овогда лицом измѣняшеся и очима страшнѣ, не яко человѣческія но аки звѣринныя очи в то время имущи и языком неподобная глаголаше. Егда же приведена бысть къ Чудотворной иконѣ Пречистыя Богородици // в монастыр Глинскій, и оковавши ю желѣзными веригами введоша в пещеру Преподобнаго Отца нашего Антонія, сокруши вериги, и избѣже из Церкви. Егда же крѣпчае оковавши заключиша Церковныя двери, окном, яще и высоко бяше, сокрушивши желѣзо, прескочи и избѣже. Тако возвышаше ю на воздух враг! Егда же паки крѣпчае оковавши ю стрежаху: овогда крѣпко пружашею враг, и аки мертву повергаше на землю, овагда на воздух возвышаше и рукама воздуха ухапаше, велми в гору протяжающе ю. Овогда же лице в страшно звѣрино подобіе претворяше, уста скривляючи ей, лют бо злѣо враг бяше, и противляшеся, глаголющи: невозмете ея от мене, токмо труп. Седмь дній же пружався, изыде, и здрава бысть дѣвица, и отийде в дом свой со матерією, Благодареніе воздаючи Пресвятой Богородици.

#### Чудо 4

Пресвятой Богородици,  
еже бысть в року 1694, месяца Іюня 29 дня.

Во время бытности Ясне Велможного его милости Пана Гетмана и всѣх енералных // особ и при множествѣ Войска Запорозкого, котрій вси видѣша сего человѣка здравіе получиша.

Трофим Андрѣев сын от веси Колчевки \* з под Чернѣгова, сице бяше бѣсом обладан, яко уподобитися ему оным двом евангелским бѣсним, от гроб исходящим, лютым злѣо, о которых лютости Евангелист Матфей в главѣ 8 пишет: яко никому же минути путем тѣм. Сице и сей бѣс всем Трофиму бяше лют, яко людей забиваше, и в рицѣ Деснѣ утопаше, ибо и священника тоей же веси дитя до смерти утопи. Другаго же человѣка дитя утопляюще ему, люде отяша и священникову жену, аще бы люде не отяли утопил бы; иное же дитя раздрати хотяше. Сего Трофима отец приведе пред Чудотворную Икону Пресвятой Богородици связана, и оковаша его при Церкви ужами желѣзными. Аще же бѣс и много пружашеся, и яко мертва на землю повергаше его, но силою Пресвятыя Богородици изыйде из него третяго дне, и бысть здрав и пребысть в Монастыру в послушаніи рок цѣлий.

#### Чудо 5

Пресвятой Богородици,  
еже бысть в року 1694, месяца Іюля 17 дня.

Младенец Іяков, сын Демянов, от веси Городищ<sup>3</sup>, мучим бяше от духа нечистаго, его же ощущаше в себѣ младенец ходяща внутр, овогда в руцѣ, овогда в нозѣ, овогда во утробѣ, и аки бы утробу раздрати хотяща. И велми отрок он кричаше от мученія злаго духа. Приведен же бѣ матерією своею пред Чудотворную Икону Пресвятой Богородици в монастыр Глинскій, и уже отчаеваше его мати. И оставивши в монастыру, просила Ігумена и братіи да егда умрет, погребут его, сама бо нужды ради яко убога бѣ, вдова сущи и иныя дѣти в дому имущи, отиде восвоися, нечающе его уже вживых быти. Моляху же ся над ным Іноци три дни къ Пресвятой Богородици исцѣлѣв

Благодатію Пречистої Дѣвы, и пребысть в монастыру конархистром до  
возрасту своего. //

#### Чудо 6

Пресвятой Богородици,  
еже бысть року 1694, месяца Іюля 29 дня.

Младенец Карп, сын Козмы, от весы Петрушина ", лютѣ страждаше от  
мучительства бѣсовскаго, и не можаху удержати его в дому, но бѣжаше в  
пустиню людій и скотов біючи, и сам себе погубити хотящи, приведе же  
мати его пред чудотворную икону Пресвятой Богородици в монастыр  
Илинский, и пребысть три дни, оздравѣ мало, и взять его маты в дом свой,  
мнящи яко уже от врага свободися, аще и совѣтываху о нѣмъ игумен и иноки,  
да пребудет в монастыру до суботы, яко Акафист Пресвятѣй Богородици по  
вся суботы здѣ читается, дабы по Акафистѣ отишла со исцѣленным сыном, но  
она непослушавши, отиде. Егда же прийде в дом, паки горѣе начать враг отрока  
мучити, и гонити в пустыню. И приведен бысть вторицею в монастыр пред  
Чудотворною икону Пресвятыя Богородици, и пребысть седм дній, и  
свободися от духа нечиста милосердіем Божія Матере, и пребысть в  
монастыру под паламарим полтора году. //

#### Чудо 7

Пресвятой Богородици,  
иже бысть в року 1695, іюля 5 дня.

Для достовѣрїя и болшой чести чудотворного образа Пресвятой  
Богородици положився тут лист о хором дякону брату Герману, з росказаня  
Ясне в Богу Преосвященного его милосты Отца Феодосія Углицкого  
Архиепископа Чернѣговского и Новгородского <sup>і</sup> до Отца Игумена <sup>і</sup> писаній.

Przewielebny w Bǰgu Moeci Oycze Iłumenie Ilinsti Moy Wielce Meci  
Dobrodzieiu.

Jasnie w Bogu Przeoswiecony Je Msc Oyciec Arcłiepiscop Czerniłowski /  
Nowogrodski / moy wielce Mosci Pan y Dobrodziey. Widzoc Brata Germana  
Diakona Monastyra Wnyckiego tu w Katedrze goszczacego, a od Boga  
nawiedzonego roskazal mi abym W.M.M. Pana y Dobrodzieie imieniem samego  
J.Msci Pasterza mego / napisawsy vprasal / kaz Dobrodzieiu nad tym Diakonem  
Господа ради іако od Boga wsecłmogocego nawiedzonem w przody zaniego  
Литургию Святую odprawic / a potym ekorcismy zwyczaj//ne, / wedlug  
Crebnika wielkiego nad opetany odprawuiace sie vczynic / raz y drugi / wielce  
Dobrodzieiu moy vprasam / a ia ztaz osoba dokonca zywota mego bede winien  
W.M.M.Panu odslugiwac / o co pokornie prosac z nam sie codziennym.

W.M.M.Pana y Dobrodzieia na nizszym sluga / Leon Bobolinski poslusnik  
Arcłiepiskopski w Katedrze Anno 1695 Iulij 5.

Potym tamze na wierzcłku pieczetowaney karty przypisal.

Przyda sie W.M.M. Panu ten Diakon kiedy złaski Naswietsey Panny ozdrowieie  
/ bo iest zawse trzewy y do poslug wielce sposobny day mu rade Dobrodzieiu moy  
posetnie prose.

Тот дякон, именем Герман, Благодатию Пресвятой Богородици всякия  
немощи исцѣляющей, получивши исцѣленіе, в Монастиру живет и здрав  
паламарствуует.

Для достовѣрїя и болшой чести Чудотворной Иконы Пресвятой  
Богородици и сия карта Пастырская здѣ же положена есть. //

Przewielebny w Bogu Oycze Ihumenie S.Troiec. Iliski Mnie w Christusie  
namilsy Bracie y w Duchu S.Synu.

Pszewielebny Oyriec Bobolinski замыѣщ sobie mansionem strietioris Regulі  
w Skirie, ktorego paterne y odpułrilismy. W takowo droge bez rieharu sumnnienia

chcac wyiachar / pragnie ten ciezar v Obraza Naswietsey Panny przed samym Przewielebnoscie T. zlozyc / mogocym / inter bonum & malum discernere. W tych iego postulatach chciey Przewielebnosc Twoia annucre iemu prose / & hospitalitare do przybrania sie iego w droge / sobie zaplate v Boga mereri, a v niego modlitwy. Peroptime interea vale, & pro nostra fragi, litate ora.

P.T. Frater & in Spir. S. Pastor.

Theodosius Uhlicki Archi-Episkop Czernihowski.

Тот честный Иеромонах отец Леонтый Боболинский, исполняячи свое обѣщаніе пред Чудотворным образом Пресвятыя Богородици, свою очистил совѣсть, а сам вѣдючи многии и знаменитии чудеса, и того диякона Германа, вишей помянутого скорое получившее здравіе, изволил и сам здѣ в Монастиру прибывати, и наслаждатися видѣніем // Чудотворнїя Икони и Чудес Пресвятыя Богородици, иже содѣянных и до нинѣ дѣющихся, книжица особно списуется списуется и ини же множества ради оставляются, здѣ же токмо лютеѣйшии бѣси и недуги уврачеванїи, иже настоящих времен случишася, яко же и в сем року и месецѣ внем же кончашеся типом сия книжица, написана суть.

**Року 1695 Месеца Іюля 17 дня.**

Іоан Мултянский, житель Чернѣговский.

**Того ж року и Месеца, дня 20.**

Алексѣй козак от веси Бѣлоуса з под Чернѣгова.

**Того ж року и Месеца, дня 29.**

Демян Швец, житель Чернѣговский.

**Того ж року и Месеца, дня 30.**

Евпраксія Инокиня з Монастира Шкловского.

**Того ж року и Месеца, дня 30.**

Карп, поданїи Монастира Елецкого з под Чернѣгова и под монастыром жиючий.

**Того ж року Месеца декаврїя 18.**

Андрей, житель Чернѣговский. //

**Року 1696 Месеца Генвара 13.**

Жена Наталїя от веси Колчевки.

**Того ж року февруарїя 29.**

Василь, от града Лохвици ѿ.

**Того ж року Месеца марта 7.**

Гаврило, житель от града Седнева.

Сии вси от лютеѣйших бѣсов и недугов над иншии бѣси и недуги Благодатїю Пресвятой Богородици исцѣленїе и здравїе получиша. //

**В СЛАВУ И ЧЕСТЬ ЦАРЯ ЦАРСТВУЮЩИХ И ГОСПОДА ГОСПОДСТВУЮЩИХ**

Повеленїем Пресвѣтлѣйшаго, и Державнѣйшаго и Благочестивѣйшаго Великого Государя Царя, и Великого Князя.

ПЕТРА АЛЕКСНЕВИЧА,

Всея Великія и Малыя и Бѣлыя Россїи Самодержца и многих государств и земель восточных и западных и сѣверных, Отчича и Дѣдича и Наслѣдника и Государя и Обладателя.

Благословенїем же въ Духовном чину Отца его и Богомолца Великаго Господина Святѣйшаго Кир АДРИАНА Московскаго и всея Россїи и всѣх сѣверных стран Патрїарха.

Издадеся сїя Книжица душеполезная зовомая Руно орошенное, в Типографїи Монастира Свято Троицкого Илинского Чернѣговского: Тщанїем всесчастнаго Отца Лаврентїя Крщоновича Игумена тоей же святой и чудотворной обители Року 1696 \*. //

И о Рунѣ орошенном.

Гедеону иногда образ бысть побѣди  
Руно, луна, денница, что и бысть послѣди.  
Орошенное Руно се пророковаше,  
Его же денница и луна орошаше.  
Но что Руно и луна значит и денница?  
Бысть то образ побѣды Марія дѣвица.  
Гди Денница и Луна Руно и здѣ росит,  
Знак побѣды Мазепѣ на враги приносит. //

До Ясне Велможного его Милости Пана ІОАННА МАЗЕПИ Гетмана Войск  
его Царского Пресвѣтлого Величества Запорозских <sup>н</sup>.

Что воздам Господовѣ о всѣх, яже воздал ми есть, рече псалмиста. Ясне  
Велможный Мосцѣ Пане Гетмане, Войск его Царского Пресветлого Величества  
запорозких, Патроне и милостивый наш добродѣю. Благодарствовати  
Благодѣтелем своим, нетокмо нас учит званіе наше, благодарни бывайте о  
всех, но и многии неодушевленнии вещи яснии сего подают нам приклади:  
Земля бо сѣющему воздаст сторичная сѣмена, дерева садовая насаждаю//  
щему красніи и благоприемнии возвращают плоды, источники и рѣки от моря  
исходяще и до моря возвращающесе знову е наполняют. Мы же что воздамы  
Велможности Вашей о всѣх, яже воздал еси убогой обителѣ нашой? Украшая  
дорогоцѣнным Киотом Чудотворную Икону Пресвятыя Богородици,  
доканчевая немалым иждевеніем прекрасную каменную церков Троици  
Живоначалнїя, и не ищетними добродѣянїи устроая всю убогую обитель  
нашу. За сие воздаянїе вѣмы, яко злата и сребра от нас не требуеши, сего бо и  
сам нещадя обители святїй обогащаеши, Церкви Божїй созидаеши, нищих  
дарствуеши, убогих и странных удоволяеши. Что же Велможности Вашей  
воздамы о всѣх, яже воздал еси нам? Чашу спасенїя прийдем и Имя Господне  
призовем. Молитвы наши и безкровную жертву за благополучное  
Господствованїе Велможности Вашей пред Чудотворною Иконою Пресвятыя  
Богородици и пред престолом Божїим должни есмы приносити. Но да  
явственнѣйшее сего Благодарствїя покажем знаменїе, приносим  
Велможности Вашей в дар // Руно орошенное, Чудеса Пресвятыя  
Богородици, приличное Велможности Вашей. Кому бо приличнѣе принесѣтся  
имат Руно Пресвятыя Богородици, и кому приличнѣе вѣдати достоин о  
Чудесех Божїих и Божой Матери, аще не Иоанну, аще не Велможности Вашей,  
иже сие имя Иоанн именем и самую носиш на себѣ вещь. З сими Чудесами  
Пресвятыя Богородици показа нам путь до Велможности Вашей сам Христос  
в Евангелїи своем мовячи: шедши, рцѣте Иоановѣ, яко слѣпии прозирают,  
хромїи ходят, глушии слышат, прокаженни очищаются, мертвиі встают и  
нищиі благовѣствуют. И кому, еще приличнѣе принесѣтся имат Руно  
орошенное, яко Велможности Вашей, аки Гедеону мужественному и храброму  
оному вождю Израилскому, ему же во всѣх добродѣтелех Велможност Ваша  
уподобился еси <sup>н</sup>, ибо якоже оному в Руно орошенном, во образѣ Пресвятыя  
Богородици прознаменовашесе на враги побѣда, тако и Велможность Ваша о  
сем же Рунѣ о Пресвятой Богородици Пречистими и чудодейственными  
слезами своими аки Росою орошенной, врагов Креста Господня низлагаеш; в  
нощи тогда свѣтящей лунѣ и зарѣ Руно орошашесе, но о коль наше мысленное  
Руно, Чудо//дѣйственная Икона Пресвятыя Богородици, от Гербовной  
Велможности Вашей зари и луны, в нощи убожества нашего неводоточною,  
но среброточною и златоточною орошается Росою. Молотяше Гедеон врагом  
своим внутр отчины сущим Маданитом пшеницу, егда Ангел о побѣдѣ  
Благовѣсти ему. И Велможности Ваша домашних своих врагов Маданитов  
не мечем жестокости, но пшеницею любве и милости своя побѣждаеши, и  
хлѣбом от гори высокого разсужденїя своего сходящим аки Гедеон кущи их  
разораеши. Внѣшних же врагов воюющих на нас и на вѣру нашу Православную

побѣждающе, мудростию, вѣрою, и надеждою, такожде Гедеону уподобился еси. Яко же бо он со малою горстию воинов на враги вооружаючися сотвори военную мудрость (зовут страгемма) и вложи огонь в сосуди скуделнича, да сия сокрушающе врагов устрашает, тако и Велможность Ваша не жалѣя сосуда скуделна немощная плоти своея, а мѣючи в нем огонь вѣри и надежды Божіа, и Божой Матери Купини огнем горящей и не опалимой и столпа огненна, со малою горс//тію людей, бо Малоросійским Воинством для вѣрной служби его Царскому Пресвѣтлому Величеству, для защищенія православныя вѣри, для сохраненія Церкви Божіих и отчини своея, в трудѣх военных нещадно сокрушаеши, и мужественно врагов побѣждающе, гради их низлагаеши и предѣлы отческия распространяеши. О домѣх же Божіих, и обителех святых, о украшеній и благолѣпїи храмов Господних, что реку? Яко более Гедеона Благолепен еси. И что бо успѣ Гедеон, аще остави седм десят сынов, наслѣдія своего, не един бо добр и благонравен обрѣтетеся, но всѣ сами собою погубишася, и отцу своему Гедеону доброй слави и памяти не оставиша; и не токмо Гедеон лишился в сем совершеннаго Благословенія, но ниже и инии многии Патриархове Благословеніе сие уличиша; Адам два токмо сына ймѣ, но и здѣ един окаянный сын отцу своему приразися Каин. Йсаак единоутробних и единою рожденных двох же имѣяше сынов, но и здѣ жестоковѣйный и противонравный отцу сын обрѣтетеся Исав. Ияко//ву же ледво един токмо между двенадесяти сынов любимый сын обрѣтетеся Иосиф; всѣ бо братоубийци и строптивни в глубокой старости отцу своему велію скорб братоубийством нанесоша. И Давида Царя не свой ли сын окаянный отца своего гоняше Авесолом. Велможность же Ваша, коль всем Блаженнѣйший еси? <sup>а</sup> Токло бо Благословеннаго имаши исчадія: колко обителей святых устроил еси, колко Церквей Божіих? Токло вѣчной памяти и святой слави, и истинный сый Святослав, святую, а не свѣтовую любя славу, имѣти будеши. Колко жертвенников, толко жертв и приношенія сподобишися. Веселися ж неплоди нераждаючи, глаголет писаніе святое, яко много имаши чада, щодробливостю Велможности Твоей порожденныя, сынове твои яко лѣто расли маслиничниа окрест трапезей Божіих коштом Велможности Вашей виставленных: Архїерее Божїи, Преподобнѣйшии Архїмандритове, Всечеснии Игуменове и безчисленнии священници до второго Пришествїя Господня имѣют представити, и безкровную жертву за Велможность Вашу приносить. Се тако Благосло//вится человек бояйся Господа. Приими ж истинный Гедеоне от нас Богомолцев своих сие Руно орошенное, несѣйно истинную Пресвятую Богородицу в Иконѣ своей Чудотворенми прославляющуюся, имѣт надежду, яко всем знаменій, всем Рунѣ орошенном побѣдиши врагов Крестя Господня. Росою же ею же сие Руно орошено, да прохладает Пресвятая Богородица сердце Велможности Вашей во всяких прилучаючихся скорбех и додаст веселия и радости, усердно желаем: да всегда процвѣтаеши, яко древо саженное при исходящих вод и исходящих от очес Пресвятыя Богородици, и листвіе твое добрых и святобливых дѣл да не отпадут, и вся елика творитимет да успѣет Велможность Ваша, и достигнет высоту твоею по долговременном и Благополучном здѣ Господствованїи вѣчнаго Небеснаго Царствїа, его же и мы Велможности Вашей Патроновѣ и милостивому Добродѣви своему от усердія сторицею желаем.

Примітки

<sup>а</sup> «Небо новое» - твір архімандрита Іоанікія Галятовського (1665).

<sup>б</sup> Седнев – нині селище міського типу Чернігівського району Чернігівської обл.

<sup>в</sup> Сосниця – нині районний центр Чернігівської обл.

<sup>г</sup> Юстиніан I (483 – 565) – Візантійський імператор з 527 р.

<sup>а</sup> Яриловичі – нині село Старі Яриловичі Ріпкинського району Чернігівської обл.

<sup>е</sup> Починаючи з цього додаткового другого Чуда мова твору, загалом церковно-слов'янська, стає наближенішою до української літературної, а можливо, й до розмовної мови.

<sup>е</sup> Василь Дунін-Борковський (1640 – 1702) посідав уряд Генерального обозного у 1685 – 1702 рр. (*Павленко С.* Чернігівський полковник Василь Касперович Дунін-Борковський (1640 – 1702) // Чернігів у середньовічній та ранньомодерній історії Центрально-Східної Європи. Збірник наукових праць, присвячений 1100-літтю першої літописної згадки про Чернігів. – Чернігів, 2007. – С. 466 – 479).

<sup>ж</sup> Количівка – нині село Чернігівського району Чернігівської обл.

<sup>з</sup> Городище – нині село Бахмацького району Чернігівської обл.

<sup>и</sup> Петрушин – нині село Чернігівського району Чернігівської обл.

<sup>і</sup> Феодосій Углицький (? – 1696) – у 1664 – 1688 рр. – ігумен Видубицького монастиря, у 1688 – 1693 рр. – архімандрит Чернігівського Єлецького монастиря, у 1693 – 1696 рр. – архієпископ Чернігівський (*Тарасенко А.Ф.* Святитель Феодосій, архієпископ Черниговский. – Дубно, 2005).

<sup>ї</sup> Мається на увазі ігумен Лаврентій Крщонович.

<sup>й</sup> Лохвиця – нині районний центр Полтавської обл.

<sup>к</sup> Посвята царю Петру I та патріарху Адріану залишилася з видання 1696 р., на що вказує і зазначений рік.

<sup>л</sup> Порівнюючи панегірики, присвячені І.Мазепі, можа припустити, що автором цього звернення/подяки до гетьмана є настоятель Іллінського монастиря Лаврентій Крщонович. У 1696 р. помер Чернігівський архієпископ Феодосій Углицький, а Лаврентій Крщонович був одним з претендентів на архієрейську посаду. Втім, у 1697 р. на чільну посаду в єпархії обрали Іоана Максимовича.

<sup>м</sup> У перших виданнях «Руна орошеного» з Гедеоном порівнювався Лазар Баранович.

<sup>н</sup> Правдоподібно, автор натякає на те, що гетьман на той час був бездітним (*Павленко С.* Кохання гетьмана Мазепи. – Чернігів, 2008).

